

2 Yoh, njale nuk kab ngayolyolme? Mahni Ubarr. All right? [*Yoh.*] Yoh. Ubarr ngayolyolme manbu korroko. Baleh birrihkurduyimi, kore birrihkurduyimi Ubarr. Bindibukkani wurdwurd, yawurrinj, but minj daluk bindibukkayini, but yawurrinj. Yawurrinjwi bindibukkani. Bindimarneyimi, “Mahni ngurrihnan Ubarr. Manih manbu Ubarr ngurrihnan. Manu manekke korroko kunekke ngad ngarrikurduyimi, or birrikurduyimi.” Kunekke birrikurduyimi yawurrinj and daborrabbolk yiman kayime nakohbanj. Nakohbanj benhmarneolyolmi kore birriyerrkani dja benmarneyolyolmi kore birridirri. Manekke Ubarr. Birridirri and bindibukkani kuni korroko or bedda korroko birrikurduyimi, or kuhni ngarrikurduyimi. Birriyimi. Mah, wanjh birrinani wanjh bedmanwali bu birrinani baleh birrikurduyimi bu birridabbolkmeni yiman birriburrbuni.

3 Manekke manu kore ngarriborrkkeyi, or birriborrkkeyi, baleh kore birrikurduyimi. Wanjh bedmanwali birridolkkani birriborrkkeyi namekke yawurrinj, wanjh kunekke munguyh bu kabirrikadjung. Kabirrikadjung or ngarrikadjung kore baleh ngarrikurduyime. Baleh ngarrikurduyime. Yika kabirriburrbun dja yika burrkyak: Manu Ubarr. Yiman Mardayin. Mardayin wurd walakkih. Mardayin walakkih kabirri- ngarriburrbun but manu Ubarr makka kabirriwakwan yika. Wanjh makka manekke manu yiman kayime school rerrih. Yiman kayime school rerrih bu ngarrbenmarneyolyolme or kandimarneyolyolme mak ngad nawu, wanjh ngarrihburrbun bu bolkkime ngarrihre.

4 Manekke yiman kayime Ubarr, Mardayin and Lorrkkon, manu mankare, wanjh makka manekke manih manu Lorrkkon, Mardayin, Ubarr, but manih manu Kunabibi, makka woleh- boyeboyenh. I don't know, might be baleh bolkyimi kumdurndi kore renehrey, kurih might be koyek or walem or kakbi - kakbi burrkyak, but walem. Walem kore di djaying manekke Kunabibi, but manih manu wanjh yungki duninj manekke manbu yiman school rerrih. But mani mak manekke Kunabibi karohrok. Karohrok Kunabibi yiman kayime school rerrih. Ngarrbenbukkan yawurrinj. Bedman mak morlehmorlenjdeleng kabirribukkarren. Baleh kabirrikurduyime. Kunekke rerrih kadjalrohrok yiman kayime school rerrih.

5 But bolkkime, bolkkime karribebbeyarlarmeng. Bolkkime karribebbeyarlarmeng. Minj njale mak karriburrbun. Bolkkime mandjalkudji

karriburrbun Kunabibi, but manu Ubarr, Mardayin, Lorrkkon, mak nawern nawu kumekbe korroko bindibukkani yawurrinj, or yiman mak kayime njamed, bindidadjkeyi yawurrinj, yawurrinj, young men bindimarnbuni. Bindidadjkeyi kunekke rerrih karohrok yiman school rerrih. Yiman kahkurduyime bu doctor kanhdadjke nawu young man. Mah, kumekbe, kunekke, kunekkekenh bolkkime bu ngahwokdi. Ngad karribengmidjdanj, ngarribengmidjdanj nawu ngad daborrabolk. Minj ngarriwerhburrbun. Yika kab ngarriburrbun but yika burrkyak. Minj kabirri-ngarriburrbun. Ngaye wurd walakkih ngaburrbun. Walakkih ngaburrbun manu manekke Ubarr, Lorrkkon, njamed Mardayin, and manbadbubuyika manekke manu mankilekileh. Njalehjale nawu bolkkime ngahyolyolme. Makka manekke ngaburrbun.

6 Kaluk ngudda minj yikahyika ngurriburrbun. Minj ngurriburrbun, minj ngurrinayinj manekke, only yika nawu yawurrinj kabirriburrbun Kunabibi. But Lorrkkon, Mardayin, njalehnjale minj kabirriburrbun yiman kayime ngaye wanjh ngaburrbun wurd, njamed nawu Ubarr, Mardayin, Lorrkkon, njamed mak nakkjanu Kunj Murrng.

7 Kunj Murrng mak. Nakka yawurrinj rerrih bedberre nawu birriyami kunj. Kunj birriyami and birrimurrngkurrmi. Birrimurrngkurrmi, djalyoy korroko might be one year or two years, wanjh birrimurrngbarungi, wanjh birrimarnbuni namekke kunj. Wanjh birriborrkeyi. Ngadju. Birridirri bu yiman same thing Mardayin, Kunabibi, njamed, ah, Ubarr. Kunekke birriyimi Kunj Murrng yiman Ubarr. Kabenerohrok mak ngalengman because kunj namekke Ubarr. Yoh, kumekbe wanjh kunu kunekke, wanjh ngad birrihkurduyimi, dja ngarrihkurduyimi. Korroko nabe nawu ngarriyungki, but nanih nawu karriyerreken, burrkyak. Wanjh karribengmidjdanj work. Dja might be wurdwurd bu baleh kabirridjare or ngad daborrabolk kabirridjare bu kabirrimarnbun nawu namekke naninjanu ngahyolyolme, wanjh marndi bu bibukkan yarrkka, or kandibukkan, or bu ngadbu, bibukkabukkan. Kunubewu baleh ngurrikurduyime kore baleh ngad ngarrihkurduyimi, nabeh nawu ngarriyungki.

8 SE: Kamak. School, bu yiburrbun bu ngudda yiyahwurdni yiwam?

9 Burrkyak. [*Minj yirawinj.*] Yoh, minj ngarawinj. Ngarey kunyahwurd, but ngakeleni ngakengemi school. [*Dja yikarrme school bedberre nawu wurdwurd.*] Yoh. School ngakarrme [*Kamak?*] bedberre bedda nawu yiwimeng, ngawimeng might be Mawah yibenyime, ayh, Kankinj. Yoh, kunekke kahdi school. Yoh, kunekke bedberre bu kabirrihre school, but yiman ngabenbukkan kore bininj, dja kore kabenhbukkan kore Balanda. Bolkkime kahre kabenhkan ah, Ngalwamud, kabenhkan school. School manekke kahdi. Ngiburrbun? Yoh, but minj ngakarrme manekke manu njamed Mardayin or Lorrkkon, but still nanih ngaburrbun. Bu ngaburrbun bu baleh marndi ngakurduyime bedberre, or ngandibengwarrewon mak bu kabirrimre Kunabibi. Or kabirrire Lorrkkon or kabirrire njalehnjale because ngare ngabenyanin.

10 SE: Kuni bu bu yiwarrunjni kondah, dja yiwam mayh yibidbom, dja yingmeng, dja nangale ngunkang, nangale ngunbukkabukkan?

11 Yoh. Ngandibukkabukkani daborrabbolk nawu birridoweng. Um. Namekke ngandibukkabukkani. [*Dja kunrayek ngundimarnemarnbom?*] Kunrayek ngandimarnemarnbuni. Yoh. Birriyimi, “Minj ngingun nawu njalehnjale, nawu nabang kunj, or djenj nabang, or mankung njale, minj ngingun. Ngidjaldjemdi might be one year or two years. Kunekke ngiburrbun. Wanjh ngingun bu ngundingenmang. Ngundingenmang.” Wanjh kunekke ngadjalkurduyimi munguyh. Minj mak ngarawinj nganguyinj manmolk. Ngakeleni. Marndi ngayimi kunubewu ngarrowen or ngandidanjbun, because manbang. [*Yibenwernhbekkang?*] Yoh, ngabenbekkani kumekke birriyimi, because yawurrinj. Yawurrinj minj, yawurrinj bu molknuni, wanjh kunukka birridungi because manekke birriburrbuni Mardayin or Ubarr or Lorrkkon. Wanjh birriburrbuni, marndi birriyimi karrowen nanih nawu bu kangun. Wanjh karrowen or kabarrhme.

12 Lorrkkon manu djaying manwarre. Lorrkkon manwarreni because bu dulkbarrhmi, dulkbarrhmi, kunukka wanjh kabirribarrbarrhme might be. Birribarrbarrhmi, birribardbakmi or birribardbarrbarrhmi, or birridengebarrhmi. Because dulkbarrhmi manekke kundulk kore bindihmurrngdahkendongi nabeh nawu nayuhyungkih. Manekke kundulk ngudda ngiburrbun Mamamh? Yah.

13 SE: *Dja nawu wurdwurd bolkkime, yiddok kabindiwernhbukkabukkan?*

14 Burrkyak Mamam. Nakka nuk what time nuk? What time kunubewu kabirri-minj start yimeninj manekke manbu Lorrkkon or Kunabibi. Nakka burrkyak. Rerrih only manih manekke djal Kunabibi kabindibukkabukkan old way. Djal Kunabibi kabindihbukkan mandjalkudji. Munguyh kabirrihdolhke, but bu kabirriburrbun, becauase kabirriwakawakwan, nanih nawu birrikerrngkerrnge and kabirriwakawakwan yika la ngarriburrbun, only mandjalkudji manekke manu last bu kumwam, because makk ngalengman makka walem or kakbi or koyek. Manih manu Kunabibi.

15 SE: *Manbu Yaburlurrwa warridj?*

16 Yoh, Yaburlurrwa warridj kumwam walembah, but minj birriburrbuyinj nawu birrikang kondah, dja yiman kayime ngad koyek minj ngarriburrbuyinj, only ngarriidjalburrbuyi Lorrkkon, Mardayin and Ubarr, and Kunj namekke Murrng, nawu birriyami wanjh save up ngarriyime kunmurrng and ngarribarungi or birribarungi, wanjh manekke manu like school rerrih. [Yoh.] Dja manekke mak njamed, ah, makkanj manu bindidjobkeyi manu. Makka ngarriburrbun little bit like yawurrinj bindimarnbuni yiman young boy. Makka manekke wurd wanjh ngarriburrbun walakkih. Like little bit here, yiman kondanjku, yiman kondah bedman bedberre.

17 Kunbuyika bedberre manu. Manih Nabarrkid. Bedman kunbuyika bedman birrikarrmi njamed, ah, Morak and manbadbuyika mak birrikarrmi. Mankudji kunu birrikarrmi or manwern birrikarrmi kondah, because ngarriwakwan ngadbu, ngayembu ngawakwan, but only ngadjalburrbun Morak. Walakkih manekke ngandikuyinbukgang ngaye, kondanjku Kunbarllanjja or even kurih kore karrikad ngahdi. But, but short time bu ngarrihdjalohbawong half, because nganabbarru nganwarrehwarrewoni ngadberre but ngarrihdurkmirri and birrimarnbom manekbe Morak.

18 Kaluk Morak makka wanjh manwernhbang. Yoh. Morak manbang. Kunukka birrikuyimowoni bu bindibukkabukkani nawu yawurrinj. Birribidbuni kundulk kore kurrula darnkih. Kurrula darnkih birribidbuni, kumekke wanjh kundulk biribidbuni,

that many, might be ten or might be twenty birribidbuni. Kumekke bindimarnekolkmi. Birrimankani kore njamed, ah, kurrula kore birrimankani. Birridjuhmi. Not matter how bu kunubewu birrirey or birridarrkiddi. Yoh. [[Laughs]]. Kunekke bedda birrikurduyimi.

19 And njamed mak, Mankinjdjek. Mankinjdjek manekke mak, makka Mankinjdjek ngaye ngaburrbun. Bu, adju, dja Mankinjdjek ngaburrbun manekke, Mankinjdjek manu. Ah, kunukka bindikukyimowoni, mak birridjurlenami kumekke, kumekke birrihni munguyh. Kaluk bu last wanjh kunukka birriwurlhkeyi. Birriwurlhkeyi, wanjh birrirungi kumekbe birrikele-, wanjh minj mak birribebmeninj. Marndibirribebmeninj, birridulubuyi bokko. Bonj, bokko kondah bu mankole wurlmerrinj manimunak burlerri. [[Laughs.]] [**Bokko?**] Yoh. Yoh. Dja kunekke bedman bu birrikurduyimi, kondah bu ngadman mak kunekke yerrih bu ngarrikurduyimi, njamed manu Ubarr, and Lorrkkon, Mardayin. Mardayin bu kandidjalbukkani mardabbabba bu kuninjkunu wanjh kamak kunu ngarrirey, ngarrirey kumak. Dja bu ngarriwarrewoni kunukka wanjh kandidungi. Kandiwerndungi, kandiwerhbengyolyolmi. [**Ngundidjurkwong?**] Yoh, kandidjurkkani, birryimeng, “Kunekke yuwn kunukka ngurriwarrewon. Yuwn ngurriwarrewon!” Kandimarneyimi.

20 SE: Dja njalekenh birryimeng? Birridjareni bu werrkwerrk ngurribolhmeninj?

21 Yoh. Werrkwerrk ngarribolhmeninj. Or werrkwerrk ngarrimarnbuyinj manekke bambu yarrkka ngarridirriwirrinj kunmak.

22 SE: Dja bu ngurribarabom wanjh?

23 Ngarribarabuni, med yerrih yikahyikah bu djal burrkyak, wanjh kaluk next time, kunbuyika kunukka ngarriyawoyhmarnemarnbuni manekke, birrimarnbuni and ngarrirey mak ngarriyawohnani. [**Kek?**] Yoh.

24 SE: Kamak. Mah. Dja yina Mamam? [Yoh, Mamam.] **Kamak bu yidjalyolyolme. But bu yidjare yire, wanjh kamak kurrme.** [Yoh.] **Ngawarnyak bu ngudda wardi yingudjwarremen.**

25 [[Laughs]] Yoh, Mamam. Yoh, ngaburrbun ngudda. Yoh. Mah. Yoh. Mah.] Kab njale nanu manu ngabadyolyolme? Nawu mayh wolehwoleh ngundimarnewokngimeng? Baleh ngunmarneyimeng? [*Like, njale nakka?*] Kunngey nawu, namekke Yirrkku. [*Start?*] Yoh. [*Rat. Dja [] nganang kore djurra nganemarnbuni ngaye dja nganedanginj.*] Yoh, namekke ngaburrbun. [*Dja Balanda kunngey nuye, nakka mayh, “False Water Rat” nakka.*] Good one. [*Water Rat yerrih. Yiman rat kangime kore kukku.*] Yoh. [*Kunronj karri.*] Mm.Mm. [*Manekke.*] Yeah. [*Dja mak njale spell kayime, njamed something...*] Yoh. [*Or Djuddjud yiman?*] Yoh, djuddjud. Yoh. Djud- [*Djuddjud nakka...*] Djuddjud nawu, kurrulawakenh kurih. Kondah kakomdadjmikenh. [*Ah.*] Yoh, kurrulawakenh.

26 Djuddjud kurrulawakenh. Kaluk... [*Namaddorl yerrih, but...*] Yoh, yiman Namaddorl, but you know, I don't know, might be yellow, yellow body like, dja kakomdadjmi yiman white neck. Yah. And that namekbe, Djuddjud kangeyyo njamed, ngalekke njamed, ah, manbiri. Manbiri yirrukbuni korroko. Yoh. Kaluk namekke nawu bininj bokenh nakka wanjh benbenbukkani. Yoh. [*Manbiri kare kurrula.*] Yoh kurrula nawu kare. [*Djuddjud kunngol.*] Yoh. [[Laughs]] Yah, namekke, ngamarnengeykurrmeng, dja yingeybun dja njale nabuyika ngangeybyun? Yoh, Djuddjud dja njale mak nabuyika? Nakka kamak yinjamed nawu, ah, Djabbo? [*Yoh.*] Djabbo, dja nanu nawu, Djabbo nawu and Dird. [*Yoh.*] Dja Dird. Nakka yiburrbun namekke kunekke mak ngamarneyolyolmi bu like you know, nungka Dird, might be Ngangarradj-, Namadku. But [[Laughs]] nungka, Namardku, med, yoh, Djabbo yoh, Nangarradjku but Namardku. [*Namardkumardku, or nakka namak. Djabbo.*] Yoh. Yoh. [*Benedurrinj. Benedangwerreni.*] Yoh benedangwerreni. [*Benedangwerreni, yiman kayime bu karrowen munguyh or...*] Yoh. Kunekke. [*Yoh.*] Nakka yiburrbun... [*Ngadjare ngabekkan that story.*]

27 Yoh that story nawu. Nawern munguyh ngamarneyolyolme. Yoh. Dja ngokko namekke nanu bedda kabenedjare bu ngaye ngayolyolme kaluk bu yarrkka. [] Yikah bu ngaye ngawohmarnbun but yikah, yikah burrkyak. But kunekke kunngey. Kunngey all that namekke like Yirrkku, njale, Djabbo, all kind. Yoh. Bu yiwernhkurrme yarrkka or mak ngalengman kakurrme kunubewu. Ngaleng mak kunukka kakurduyime. [*Kunkare nawu all the wurdwurd nawu birribolhmi.*]

Dabborrabolk bindimarneyolyolmi.] Bu kunekke. [*But TV...*] Yoh, bu yiman TV yerrih, Mamam. Yoh. Yoh. Kunekke yerrih ngaye ngabenbenemarneyolyolme. Kaluk ngabimbun werck kore njamed dolobbo, wanjh yerrih ngabenbenemarneyolyolme.

28 SE: *Dja bu kunkare, bu bindibukkabukkani dabborrabolk, yiddoko bindikarrmi nawu [] bu dolobbo use birriyimeninj?*

29 Burrkyak. Minj dolobbo birrikarmeninj.

30 SE: *Djal kunwok?*

31 Djal kunwok kunekke bindimarneyolyolmi and manekke nawu kabindimarneyolyolme Kunabibi, ayh, yiman njamed, Mardayin nakka birrikarrmi – might be minj yinayinj manekke? Mardayin manu? [*Yika nganang.*] Yah, kamak wanjh . That’s the one manekke bindimarneyolyolmi, bu wrong yiyimeninj ngundidanj bun. Manekke use birriyimeng djalakirradj manbu. Yoh. [*Manwernhbang?*] Yoh. Manwernhbang. Kore birrimarnbuni bu birrirayekwoyi like two birrirarrkwoyi? Like two birrimarnbuni and birrirarrkwoyinj and bindibukkani mak bedman man wurdwurd: “Kuni ngurrirarrkyimowon. Kuni ngurriyimowon.” Mardayin.

32 SE: *Yiwarrudj kondah karri yiman.*

33 Yoh. Yiwarrudj yerrih. Mardayin, dja nawu Ubarr, wanjh same thing kunekke yerrih bindibukkani. But makka minj yinayinj kunubewu Mamam burrkyak. [*Ubarr?*] Yoh. [*Nganang.*] Yah. Kamak wanjh. [*That, yiburrbun that old man, M___?*] Yoh. [*Pass away yimeng kunkare. Nakka wanjh nganbukkabukkang wanjh.*] Kamak wanjh, kamak yiburrbun. [*Nakurrng ngayimeng.*] Ngunwong. Nakka wanjh burrbuni korroko because nakka wanjh little bit singer. [[Laughs.]] [*Dja nungka ngankang. Nganngimwong kunekke njamed Wurlwunj ngarrikarrmi.*] Oh, yoh. Kamak wanjh. [*That, kunubewu last one.*] Yoh, manekke Wurlwunj karri Ubarr, ngaburrbun. [*But yiman kunkareni, 20 years ago, or 18*

years ago. Ngarridi kurih. Ngangimeng.] Kadjalmak wanjh. [*And that old man nakka namak wanjh.*] Yoh.

34 You know, still early, but that's where we want to, karrinayinj like. Kanbukkabukkayinj namekke more. But karriwernhnayi munguyh namekke. I don't know this old man here, his granny, ah, Mi___, not much because him only little boy, I mean young one nakka. [*Dja nani nawu benbornang, that Nakurrng benbornang, J___ M___, nawu nganedanginj ngaye, dja J___, minj kabenewernhburrbun.*] Minj kabenewernhburrbun. Kabenewakwan. Minj benbenemarneyolyolmeninj. [*And that two like Nawanawamud, ngadjadj, wanjh benedowerrinj. Those two brothers. Might be, djaying, that one old man, V___ C___, not V___, nangale nakka? Nabuyika nawu C___ kanngeyo. Nakka might be kaburrbun but its not enough really.*] Nanih kadjaldarrkiddi. [*Might be kadjaldarrkid, one man.*] Yoh, I don't know baleh karri, nuk namekke bambu bu burrbuyinj, wanjh karrimarneyimeninj bu kanbukkayinj. Because ngad nawu this side kurih koyek ngad ngarriwakwan rowk. Yika, yika like ngaye ngaburrbun manu Ubarr walakkih. Yiman Lorrkkon, ngaburrbun. Mardayin ngaburrbun. Kunabibi, ngarriburrbun. Yaburlurrwa ngawakwan. [*Manbu mankerenge.*] Yoh mankerenge yiman.

35 *SE: Ngabenburrbun wurdwurd: like minj kabirrire school kondah. Minj njale kabirribolhme. Minj bininjkenh, minj balandkenh kabirribolhme, larrk. Bokenh, minj kabirriwernhburrbun.*[*Dja woybukkih, Mamam.*] *Bolkkime minj kabindibukkan...*

36 Kunekke kunu Mamam ngaye, kunekke kunu worry ngahyime, because wurdwurd wanjh ngabenhkan kurih rowk kabirrire kore school. And kunekke might be kamak bu kabirrire, yikah bu kabirrire bu kamak but yika kabindibengwarrewon kunbuyika bu hunting. Yoh.

37 *SE: Kabindibukkabukkan kore huntingkenh?*

38 Yoh, kore huntingkenh. [*Ba kabirriyame.*] Yoh, [[Laughs]] kabirriyame. Yoh like. Yoh manekke ngakurduyime kurihbu, but, kondah bu djal burrkyak duninj.

Nganan wurdyaw kare everywhere. Kore money, kore card, kore kunbang, kore njalehnjale. Shop, kunekke kunu minj kabirriburrbun njale.

39 SE: Kabirridjirdmarren dja njamed yiman kayime wurdyaw. Minj birridjordmeninj bu kabirridjalmarren.

40 Kunekke Mamam. Bu maninjmanu manekke minj ngadjare, bu, Oh, ngabekkan, or nganan. Warreminj kondah, yiman mankarre kimukminj, nuk.

41 SE: Bu kunmekbekenh might be nganere, next year, after like kudjewk kayakmen, [Yoh.] nganemre, manih muddikaagakarrme fourwheel drive, nganemre Ngalwakadj, dja yawkyawk yawurrinj yika daborrabbolk, might be ngarrbenbukkabukkan kore njamed djurra nawu Bible, manbu Bible use kabirriyime bu kabindibukkabukkan nawu wurdwurdwurd, manbu yiwarrudj. Kunekke.

42 Yoh. Manekke Mamam. Ngabengyirri ngaye ngudda ke, or Nangarridj ngabengyirri, but might be too many I mean like kondah bu, Darwin kore kabirrire anywhere, everywhere. Dja bu one way kunukka wanjh yibennahnan or yibenmarneyolyolme. Bambu baleh kabirrikurduyime nakka nawu Kunwinjku Bible, or namekke nawu njamed English Bible. [**Kunbalanda kamak. But, badbu kabirrimenmenbekkan like kamak.**] Yoh, yiyimen Mamam. Yoh. Yeah, mak yarrkka kunubewu bu, yidjare or ngarridjare wanjh kunukka mak ngarryawoyhyolyolme yimre or baleh, or might be ngamdurdeng ngaye.

43 SE: Wanjh bolkkime won one copy [Ngoyh.] manbuyika ngamang ngabimbun, djurra ngadjalburrbun and kaluk might be ngamdurdeng, wanjh yingan, wanjh something might be djawahdawan. [Ngoyh. Mah.] Manekke ngabimbun ba daborrabbolk like everywhere like Kunwinjku, birriwarlahkenh Kunwinjku people, kabirriwernhburbun ba how kabindibukkabukkan wurdwurd. [Yoh, makka manekke Mamam ngaye.] Like straight kabirrire. Bu kabirrire mandjad. Yiman kebrokyak, yiman kayime. Minj kabirrikebrokkarrme. [Yoh. Djal woybukkih.] Minj nangale kabindibukkan. Minj nangale kabenbukkan wurdwurd, baleh kabirrire? [Yoh, Mamam. Woybukih duninjh.] Kondah ngabennan kore

yiman borledmikkenh kore kururrkbuyika, birridirri boyen, bedman birridirri, nawu daborrabbolk, birridjarrkdirri “Holey Holey.” [Ngaleng. Manekke marndi bindibengwarrewong mardabbabba duninh, ngalbadjan, kornkumo.] *Mah, bonj bawon Mamam.* [Yoh, yoh Mamam, Yoh, yoh, ba.] *Minj wernhdjurrkwon.* [Yoh. Kaluk mak rerrickah kunubewu Mamam.] *Kamak?* [Yoh.]

INTERVIEW FINISHED. TAPE OFF.